

NO. SOALAN : 64

PEMBERITAHUAN PERTANYAAN BAGI JAWAB LISAN
MESYUARAT PERTAMA, PENGGAL KEEMPAT,
PARLIMEN KETIGA BELAS,
MAJLIS MESYUARAT DEWAN RAKYAT

PERTANYAAN : LISAN

**DARIPADA : YB TUAN M. KULASEGARAN
[IPOH BARAT]**

TARIKH : 22 MAC 2016 (SELASA)

SOALAN :

Tuan M. Kulasegaran [Ipoh Barat] minta PERDANA MENTERI menyatakan :-

- (a) jenis kekosongan jawatan dalam sistem kehakiman dan jawatan yang sedang menunggu untuk diisi; dan
- (b) apakah tempoh masa untuk hakim-hakim memberi keputusan selepas perbicaraan penuh.

JAWAPAN : YB PUAN HAJAH NANCY SHUKRI
MENTERI DI JABATAN PERDANA MENTERI

Tuan Yang di-Pertua,

1. Berdasarkan peruntukan di dalam Perlembagaan Persekutuan, keanggotaan Mahkamah Persekutuan termasuk Ketua Hakim Negara, Presiden Mahkamah Rayuan dan Hakim-Hakim Besar Mahkamah-Mahkamah Tinggi adalah seramai 15 orang hakim dan keanggotaan Mahkamah Rayuan seramai 32 orang hakim. Manakala keanggotaan Mahkamah Tinggi adalah 60 orang hakim di Mahkamah Tinggi di Malaya dan 13 orang hakim di Mahkamah Tinggi di Sabah dan Sarawak.
2. Pada masa ini, terdapat 1 kekosongan di Mahkamah Persekutuan, 2 kekosongan di Mahkamah Rayuan dan 21 kekosongan di Mahkamah Tinggi.
3. Sementara itu, untuk makluman Ahli Yang Berhormat, berdasarkan Arahan Amalan Ketua Hakim Negara Bil. 1/2008: Penangguhan Kes, jika kes ditangguhkan untuk keputusan, tarikh bila mana suatu keputusan itu akan diberi hendaklah ditetapkan tidak lewat daripada 4 minggu atau jika penghakiman bertulis akan diberi tidak lewat daripada 8 minggu dari tarikh kes itu ditangguhkan.

Sekian, terima kasih.